

www.BibleForChildren.org



Juan 14



Lic mapax ic'u'x. E chicuba' ic'u'x ruc' ri Dios y
chicuba' ic'u'x wuc' ri'in. Chila' pa c'o wi ri Nukaw
lic uq'uiyal jeklebal c'olic. We ta na e ta u'anom,
ri'in nubi'im chi ri' chiwe.



Ec'u wa' quin'ec cha'qui'nyijba' jun luwar iwe ri'ix.
Yey we xin'ec c'ut y xyijbitaj ri luwar iwe'ix,
quinc'un tanchic y quixo'lnuc'ama' cha' jela' pa
quine'c'ola wi ri'in, ri'ix quixe'c'ola chila' wuc'.



Ri'in in Juan in bare jun uc' alak hermanos,
junam oj c'o chupa rutakanic ri Kanimajawal
Jesucristo y junam cakach'ij uchuk'ab


tak ri c'axc'obic ruc'
unimal kac'u'x.



E ri'in xine'yo'k pa ri isla Patmos ruma xintzijo
ri Tzij re ri Dios y ri K'ijsak re ri Kanimajawal
Jesucristo.



Xakic'ate't, ri'in xinc'oji' puk'ab ri Ruxlabixel ri Dios. Xinwil c'u jun tz'ulibal re takanic chila' chicaj y c'o Jun tz'ul chupa.




Jec'ula' xebenuta conoje tak ri e 'anatal ruma ri
Dios: ri e c'o chila' chicaj, ri e c'o che ruwachulew,
ri e c'o chuxe' ulew y ri e c'o chupa
ri mar, jewa' caquibi'ij: «Che ri
Jun tz'ul pa ri tz'ulibal y che ri
K'apoj Bexex, takal ri yacbal
quik'ij y ri caxuc ib chiquiwach
yey takalic
cabi'xic c'o
quichomalil y
quichuk'ab
na jinta
utakexic»
quecha'.



Ri'in in Juan xinwil ri santowilaj tinamit, ri c'ac'
Jerusalem, e ri' xkaj lo chila' chicaj petinak ruc' ri
Dios, yey lic wikital chi utz pacha' juna ali lic uwikom
rib echiri' cu'c'ulu rala cac'uli' ruc'. Y xinta c'u jun
kulaj xel lo pa ri tz'ulibal re takanic, lic co xch'awic,

jewa' cubi'ij:
«iChatape'! Ri
Dios cac'oji'
chiquixo' libal ri
ticawex y cajeki'
cuc'; ma rique e
utinamit, y Rire
e Dios que rique.»



Tec'uchiri', ri ángel xuc'ut chinuwach jun nimaya'
ruc' ya' re c'aslemal, wa' lic cajuljut upa jela' pacha'
chi vidrio, yey quel lo pa c'o wi ri tz'ulibal re takanic
re ri Dios y re ri K'apoj Bexex.



Che wa tinamit na cajawax tane uwonibal ri k'ij y
ri ic', ma runimal uchomalil ri Dios cutzij upa yey
ri K'apoj Bexex e uwonibal ri'.




Chupa c'u wa' wa tinamit na
jinta c'ana ch'ul coc lok, na
coc ta ulok ri cu'an ri lic
q'uixbal uwach y ri
cu'an rak'ubal; ma xew
queboc lo ri tz'ibital
quibi' chupa ri libro
re c'aslemal re ri
K'apoj Bexex.




«Ec'u ri Dios cusu' ruwa'al
quiwach conoje rique. Chwi
c'u wo'ora na jinta chi camic,
na jinta chi ok'ej, na jinta
chi quejuyuyic y na jinta
chi c'axc'obic; ma ronoje
tak ri c'o lo ojertan, ya
xic'owic» cacha'.




Chiri' na jinta chi ri na utz ta uwach xuc'am lo ri
mac. Ec'u ri tz'ulibal re ri Dios y re ri K'apoj Bexex
cac'oji' chiri' yey conoje ri e nimanel re ri Dios
caquilok'nimaj uk'ij
Rire. Caquil c'u uwach
ri Dios pa sakil wi y
rubi' Rire cac'oji'
che rucurusil ri
quipalaj.



Y xinwil quiwach ri ecaminak chinima'k chich'uti'k e
tac'al chwach ri Dios. Tec'uchiri' xjakataj upa tak ri
libros yey xjakataj upa jun chic libro, wa' e ri libro
re c'aslemal. Chupa tak wa libros tz'ibital wi tak ri
qui'anom ri ecaminak, y ec'u chirij tak
wa' xk'at tzij paquiwi'. Chupa c'u
wa' wa jun luwar
xec'ak bi ri na
tz'ibital ta quibi'
chupa ri libro
re c'aslemal.



Ri Ruxlabixel ri Dios y ri rixokil ri K'apoj Bexex,
jewa' caquibi'ij: «Peta la» quecha'. Y china ri cataw
re, chubi'ij: «Peta la.» China c'u ri catzajin uchi' y
caraj capetic, petok y chutija re ri ya' re c'aslemal,
yey wa' xa casipax che.



Ri Dios lic c'ax xebuna' ri e c'o che
ruwachulew; y ruma c'u wa', xutak lo
Ruc'ajol, ri lic xew Uc'ajol ri', cha'
china ri cacubi' uc'u'x ruc' Rire
na casach ta uwach, ma c'o
uc'aslemal na jinta
utakexic.



Romanos 3:23

Conoje c'u ri ticawex emacuninak y lic naj e c'o
wi lo che ri unimal uchomalil ri Dios.

Romanos 6:23

Ma ri tojbal re ri mac e ri camic, no'j ri sipanic cuya
ri Dios e ri c'aslemal na jinta utakexic ruma
ri Kanimajawal Jesucristo.

Hebreos 9:27

Lic c'u jiquibam chi uwach conoje ri ticawex xa julaj
quecamic, tec'uchiri' cape ri k'atbal tzij paquiwi'.

Efesios 2:8,9

Ma ruma c'u ri unimal rutzil uc'u'x ri Dios c'o
colobetajic alak yey wa' e ruma xcubi' c'u'x alak ruc'
ri Cristo. Y ri colobetajic, na alak ta xch'acow re,
ma e jun sipanic re ri Dios che alak.



Ri colobetajic na carikitaj ta c'u ri' ruma ri utz ca'an alak, cha' jela' na jinta junok cutac'aba' uk'ij.

Romanos 10:9,10

We ri'at cak'alajisaj ruc' ruchi' akul: «Ri Jesús e Wajawal» y cacoj c'u chupa rawanima' Rire xc'astaj lo ruma ri Dios chiquixo'l ri ecaminak, ri' catcolobetajic.

Ma pa ri kanima' cakacoj wi wa' cha' coju'an jusuc' chwach ri Dios; yey ruc' c'u ruchi' kakul, cakak'alajisaj Rire e Kajawal cha' jela' cojcolobetajic.

Juan 3:16,17

Ri Dios lic c'ax xebuna' ri e c'o che ruwachulew; y ruma c'u wa', xutak lo Ruc'ajol, ri lic xew Uc'ajol ri', cha' china ri cacubi' uc'u'x ruc' Rire na casach ta uwach, ma c'o uc'aslemal na jinta utakexic. Ma ri Dios na xutak ta lo Ruc'ajol che ruwachulew re colu'k'ata tzij paquiwi ri ticawex; ri xutak wulok e cha' quebolu'colobej.



1 Juan 5:11-13

Y ri k'alajisam e wa': Ri Dios uya'om kac'aslemal na jinta utakexic, yey wa' wa c'aslemal xew carikitaj ruma Ruc'ajol. E junok uc'ulum Ruc'ajol ri Dios pa ranima', ri' ya'tal chi wa' wa c'aslemal che; no'j e junok na uc'ulum ta Ruc'ajol ri Dios pa ranima', ri' na ya'tal ta wa' wa c'aslemal che. Cantz'ibaj pan wa' che alak ri cojom alak rubi' Ruc'ajol ri Dios, cha' queta'maj alak c'o c'aslemal alak na jinta utakexic.



Juan 14; 2 Corintios 5; Apocalipsis. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

El Nuevo Bible (acr) © 2009, Wycliffe Bible
Translators, Inc. All rights reserved.

<https://www.bible.com/bible/513/MAT.1>

©2026 Bible for Children, Inc.

www.M1914.org

www.bibleforchildren.org

